

## Evening Dogri (NSD) Bulletin 09-11-2024

### आकाशवाणी

खास खास खबरां ....

1. अकोला रैली च प्रधानमंत्री नरेन्द्र मोदी होरें आखेआ जे उंदी सरकार नै अपने त्रीए कार्जकाल च महाराष्ट्र च करोडें रुपें दियां विकास परियोजना रंभ कीतियां न।
2. उपराष्ट्रपति तगदीप धनखड़ होरें गलाया ऐ जे शिक्षा समाज दी सेवा ऐ कोई बपार नेई।
3. चालू बजारी रूतै दरान सरकार आस्सेआ अजें तगर 27995 करोड़ रुपै दी कीमत मुंजी खरीदी जाई चुकी दी ऐ, जेह्दे कन्नै तकरीबन 6.58 लक्ख करसानें गी लाह पुज्जा।
4. पच्छम बंगाल च खड़गपुर डिवीजन दे नालपुर स्टेशन कश सिकंदराबाद—शालीमारहफतावार एक्सप्रेस रेलगड्डी पटरी शा उतरी। जानी नुक्सान दी कोई खबर नेई।
5. जापान च इन्फ्लूएजा दे मामले बधने करियै देस भरै च एहदा प्रकोप फैली गेआ ऐ।

<><><><><><>

### PM Akola

प्रधानमंत्री ते बीजेपी दे वरिष्ठ लीडर नरेन्द्र मोदी होरें आखेआ ऐ जे एनडीए सरकारै डॉ. बाबा साहेब अम्बेडकर सर्किट दा विकास रंभ कीती ऐ। एहदे तैहत बाबा साहेब हुंदे जीवन कन्नै जुड़ी दिएं महत्वै आलियें थाहरें गी कवर कीता जाग। श्री मोदी होरें आखेआ जे उंदी सरकार नै राष्ट्री मोबाइल भुगतान ऐप गी डॉ. अम्बेडकर हुंदे मानै च भीम नां दित्ता ऐ। अकोला च इक चुनावी रैली गी

संबोधतकरदे होई प्रधानमंत्री होरें पालघर जिले च वाघवन बंदगाह सनें महाराष्ट्र च नेकां बुनियादी ढांचागत परियोजना दा जिक्र कीता। श्री मोदी होरें जोर देइयै आखेआ जे उंदी सरकार नै मराठी गी शास्त्री भाषा दा दर्जा देइयै महाराष्ट्र दे लोकें दी लम्मे चिरै थमां चली आवा'रदी मंग गी पूरा कीता ऐ। उनें केन्द्र सरकार ते राज्य च महायुति सरकार आस्सेआ कीते जा'रदे कम्में दा जिक्र कीता। एह्दे अलावा श्री मोदी होरें विपक्षी महा विकास अघाड़ी ते कांग्रेस दे भ्रष्टाचार च शामिल होने लेई निंदेया कीती।

<><><><><><>

### Vice President NIT

उपराष्ट्रपति जगदीप धनखड़ होरें अज्ज आखेआ ऐ जे विकसित राष्ट्र दा लक्ष्य हासल करने च शोध ते नमिआं काड्डां मती महत्वै आहली भूमिका निभांदिआं न। श्री धनखड़ होरें अज्ज नमीं दिल्ली च राष्ट्री प्रौद्योगिकी संस्थान एन.आई.टी दे चौथे दीक्षांत समारोह गी संबोधित करदे होई आखेआ जे शोध ते नमिएं काह्डें दे खेत्तरै च राष्ट्र दा उच्चा स्तर आलमी बिरादरी च ओहदी स्थिति गी दर्शांदा ऐ। उनें आखेआ जे शैक्षिक संस्थानें गी शोध ते नमिएं काह्डें लेई अपनी समर्थ दा पूरा-पूरा इस्तेमाल करना लोडचदा ऐ। श्री धनखड़ होरें कॉर्पोरेट घरानें गी इस खेत्तर च महत्वपूर्ण जोगदान देने लेई आखेआ। उनें आखेआ जे बपार, उद्योग, ते कारोबारी संगठनें गी शोध ते नमिएं काह्डें लेई खुल्लै दिलै कन्नै माली जोगदान देना चाईदा ऐ। उपराष्ट्रपति होरें आखेआ जे शिक्षा च निवेश समाज सेवा दा महत्वपूर्ण उपकरण ऐ जेह्दे'नै मनुक्खी संसाधन मता समृद्ध होंदा ऐ ते मजूदा समें ते भविक्ख बी सुरक्षित बनदा ऐ। उनें आखेआ जे शिक्षा असल च समाज सेवा ऐ। उनें जोर देइयै आखेआ जे शिक्षा गी बपार दे तौर पर नेई दिक्खेआ जाना चाईदा सगुआं एह इक जिम्मेदारी ऐ।

<><><><><><>

### World Immunization Day

विश्व टीकाकरण दिवस कल समूलची दुनिया च मनाया जाग। एहदा मकसद ईन्फैक्शन आलिंग बमारिणं दी रोकथाम ते आम लोकें दी सेहत दी रक्षा च टीके दी महत्त्वै आली भूमका बारे जागरूकता बधाना ऐ। भारत नै अपने टीकाकरण अभियानें राणं पोलियो ते टेटनस जनेई नेकां मारू बमारिणं गी सनेज डे खत्म करने च महत्त्वै आली भूमका नभाई ऐ। माली ब'रे 2023-24 च भारत 93.2-3 थिश्जत् ल्झैवै। छज्ज टीकाकरण करी चुके दा ऐ। टीकाकरण आले कार्जक्रमें राणं पोलियो खसरा ते हेपेयडिटिस-बी सनें 12 बमारिणं दे मुफ्त टीके लाए गे न। यूविन डिजीटल पोर्टल राणं भटेयाली महिला ते जीम कोला लेइयै 17णं ब'रे तगर दे बच्चे तांई आकाकरण दा रिकार्ड रखेआ जंदा ऐ। एह पोर्टल हिंदी सने 11 क्षेत्रीय भाषाणं च उपलब्ध न। इस ब'रे सितम्बर म्हीने तगर इस प्लेटफार्म ने 6 करोड़ 46 लक्ख लाभार्थिणं गी पंजीकृत कीता ऐ। 1 करोड़ 4 लक्खा शा बद्ध टीकाकरण दे सत्र लोआए गे। जनवरी 2021 च रंभ कीते गेदा भारत दा कोविड-19 टीकाकरण कार्जक्रम वैश्विक सतह पर कामयाब कार्जक्रम रेआ हा। जंदे ब8रे जनवरी तगर कोविड-19 टीकाकरण दियां 220 करोड़ शा बद्ध खुराकां लोकें गी दित्तियां जाई चुकी दियां हियां।

<><><><><><>

## **Paddy**

केन्द्र सरकार नै अज्ज आखेआ जे पंजाब दिणं मंडिणं च 126 लक्ख मीट्रिक टन शा बद्ध मुंजी पुज्जी चुकी दी ऐ। इंदे च 120 लक्ख मीट्रिक शा बद्ध मुंजी दी खरीद राज्य अर्जेसिणं ते भारती खाद्य निगम एफसीआई आस्सेआ कीती गई ऐ। उपभोक्ता मामले खाद्य ते सार्वजनिक बंड बिक्री मंत्रालय नै दज्जस्सेआ ते ग्रेड-ए मुंजी गी 2320 फही क्विंटल दे घट्टोघट्ट समर्थन मुल पर खरीदेआ जा करदा ऐ। सरकार नै अज्जै तगर 27 ज्हार 995 करोड़ रपे दी मुंजी दी खरीददारी कीती ऐ। एहूदे कन्नै तकरीबन 6 लक्ख 58 ज्हार करसानें गी लाह पुज्जा ऐ। पंजाब च मुंजी दी खरीद पैहली अक्तूबर थमां रंभ होइ ही। केन्द्र सरकार नै चालू बजारी रूत दरान 185 लक्ख मीट्रिक टन मुंजी दी खरीद दा लक्ष्य तैह कीते दा ऐ।



## Rail

सिकन्दराबाद—शालीमार हफतावार ऐक्सप्रेस रज अज्ज बडलै पच्छम बंगाल दे खड़गपुर डिवीजन दे नालपुर स्टेशन कश पटरी शा उतरी गई। दक्खन—मध्य रेलवे दे अधिकारिणं आकाशवाणी गी दस्सेआ जे शालीमार ऐक्सप्रेस दी पार्सल आला इक डिब्बा ते बोगिया पटरी थमां उतरी गेइयां। इस घटना च कुसै जानी नुक्सान दी खबर नेई ऐ। अधिकारिणं दस्सेआ जे संतरागाददी ते खड़गपुर थमां मैडीकल राहत आलियां रेलगड्डियां हादसे आली थाहरे पर पुजजी गेइयां न। यात्रुणं गी उंदी मंजल तगर लेई जाने लेई दुर्घटना राहत रेल ते बसें दी बवस्था कीती गेइ ऐ। रेलवे अधिकारिणं दस्सेआ जे खड़गपुर च इक हैल्पडेङ्कक स्थापत कीता गेआ ऐ जेहदा नंबर ऐ रेलवे—63164, पीएंडटी 03229—2764, शालीमार 6295531471, 45834 रेलवे संतरागाधी 9831243655, 8910261621, खड़गपुर 63764 रेलवे पीटी 0322293764 हावड़ा 7595074714।



## Govt. Haj

सरकार ने हज यात्रा गी सौखा बनाने लेई डिजीटल अनियादी ढांचे च महत्वपूर्ण सुधार आन्नियै केई सारी गैह पुट्टियां न। जिस राणं महिलाएं दी समानता गी बढ़ावा दित्ता गेदा ऐ। जिस राणं महिला स्वतंत्र रूपै नै हल यात्रा पर जाई सकोग। खास करी घट्ट औंदन आले लोकें लेई हज यात्रा गी सौखा बनाने लेई प्रावधान कीते गे न। ओहृदे मताबक इस गारे भारत थमां 9 लक्ख 75 जहार शा मते हज यात्रिणं दा कोटा तैह कीता गेआ ऐ। एहृदे चा कोई 1 लक्ख 40 जहार हज यात्री हज कमेटी राणं हज पर गेदे हे। इस ब'रे केन्द्रीय स्वास्थ्य मंत्रालय नै 60 ब'रें शा मते दी उमरी दे हज यात्रुणं दे स्वास्थ्य गी व्यापक दिक्खभाल लेई नेकां गैह पुट्टियां न।



## National Legal Service Day

अज्ज देश भरै च राष्ट्रीय कनूनी सेवा सरबन्धी ध्याड़ा मनाया जा'रदा ऐ। लोकें च कनूनी जागरूकता बधाने ते सब्बै नागरिकें खास करियै हाशिये पर रवा'रदे समुदायें दे लोकें लेई न्याह तोड़ी पुज्ज जकीनी करने लेई एह ध्याड़ा मनाया जंदा ऐ। इक न्याह समाज दे निर्माण लेई केई परियोजना ते गतिविधिएं राएं विवाद दे हल लेई तंत्र गी बढ़ावा देने ते लोकें गी उंदे कनूनी हक्क हकूकें बारे जागरूक करने लेई एह ध्याड़ा मनाया जंदा ऐ। वंचित ते हाशिये पर रवा'रदे लोकें गी कनूनी मदद देने दे मकसद कन्नै 9 नवम्बर 1995 गी कनूनी सेवा प्राधिकरण अधिनियम बनाया गेआ। इस ऐतिहासक कनून दे नतीजे करी 5 दिसम्बर गी राष्ट्रीय कनूनी सेवा प्राधिकरण दी स्थापना कीती गेई अदू थमां गै राष्ट्रीय कनूनी सेवा सरबन्धी ध्याड़ा हा ब'रे मनाया जंदा ऐ।



## CM Omar Abdullah

मुख्यमंत्री ओमर अब्दुल्ला होरें अज्ज सिविल सैक्रेटेरिएट च सरबन्धत अधिकारिणं दी इक उच्चि सतह दी बैठक लाइयै स्याले दी रूतै दरान कश्मीर घाटी ते जम्मू संभाग दे स्याले आहले ज़ोन हेठ पौंदे इलाकें च तैआरिणं दा जायजा लैता। उनें आखेआ जे योजनाएं गी बड़ा सोची-समझियै तैयार कीता गेदा ऐ ते हून इनें'गी बड़े असरदार ढंग्गै कन्नै लागू बी कीता जाना लोड़चदा ऐ। उनें आखेआ जे पैहली बर्फबारी दे कन्नै उंदिएं तैयारिणं दी परख बी होई जाहग। मुख्यमंत्री होरें आखेआ जे ऐल्लै जारी सोक्के आहली स्थिति दे चलदे पैहले गै केई चुनौतिणं दा सामना करना पवै करदा ऐ जि'दे च पानी दे स्तर च आई दी कमी, साह सरबन्धी बमारियां ते बिजली दी घट्ट पैदावार ज्नेयी समस्यां मुख्य तौर पर शामिल न। उनें आखेआ जे योजनाएं दा ऐलान कीते जाने दे बाद इंदी असरदार

अमल-आवरी मती महत्वपूर्ण होई जंदी ऐ। स्यालें लेई तैयार कीती गेदी कार्य योजना च अंतर-जिला राजमार्गे सने जिलें ते कस्बें गी जोडने आहली सिडकें गी खुल्ला रक्खना ते लाजमी सेवाएं दी बिजन कुसै दिक्कत दे दस्तयाबी जकीनी बनाया जाना शामिल ऐ।

<><><><><><>

## Japan

जापान च इन्फ्लूएजा दे मामले च तेजिया कन्नै बाद्धा होआ ऐ। सेहत मंत्रालय मताबक 3 नवम्बर गी खत्म होए दे हफते च इन्फ्लूएजा दे 5127 मामले दर्ज कीते गे न। पिछले हफते दे मकाबले 829 मामले दा बाद्धा होआ ऐ। सेहत अधिकारिण लोके गी बार-बार हत्थ धोने ते मास्क लाने जनेह उपाएं दी पालमा करने दी अपील कीती ऐ। मती खतरें आलिणं थाहरें पर टीकाकरण दा बचार करने लेई आखेआ गेआ ऐ।

<><><><><><>

## Bangladeshi Workers

बंगलादेश दे गाजीपुर जिले च ढाका माइमेनसिंह जरनैली शिडक पर अज्ज बउलै थमां गडिडएं दी आओजाई प्रीावत होई की जे रेडीमेड कपडें दिणं फैक्ट्रिणं दे किश वर्करें त्रऊं म्हीने दी उजरत नेई दित्ते जाने दे बरोध च एह जरनैली शिडक बंद करी दित्ती। सरबंघत इलाके दे पुलस प्रभारी होरें दस्सेआ जे केई सारी कपडा फैक्ट्रिणं दे कम्मगारें दी उजरत नेई दित्ती गेदी ऐ जिस करी उनें जरनैली शिडक जाम करी दित्ती। शिडक बंद होने करी उत्थें गडिडएं दा केई किलोमीटर लम्मा जाम लग्गी गेआ। बरोध प्रदर्शन करै करदे कम्मगार अपनी उजरत जारी कीते जाने ते मर्दे ते महिलाएं गी कम्म दे इक बरोबर मौके उपलब्ध करोआए जाने दी मंग करे करदे न।

<><><><><><>

## Pakistan Blast

पाकिस्तान दे बलोचीस्तान च क्वेटा रेलवे स्टेशन दे कोल इक धमाके दे बाद बड़े मते लोकें दे मरने ते केई सारे लोकें दे जख्मी होने दी खबर ऐ। धमाके दे समें इक रेलगड्डी प्लेटफार्म शा पेशावर लेई रवाना होने आली ही। पुलस ते बचाह दल मौके पर पुज्जी गे।

<><><><><><>

## Gopalshtami

बाकी मुखे आला लेखा जिला संबा च बी गोपाश्टमी गड़ी गै धार्मिक श्रद्धा कन्नै मनाई जा'रदी ऐ। इस ध्याड़े महिला गो—माता दी पूजा करदे न ते उंदी आरती करदियां न।

<><><><><><>

## Gaza

संयुक्त राष्ट्र दे मनुक्खी अधिकारें सरबंधी दफतरै आखेआ ऐ जे गाजा जंग च तकरीबन 70 फीसद तानी नुक्सान महिलाएं ते बच्चें दा होए दा ऐ। एहदी सख्त निंदेया करदे होई उनें इसी अंतर्राष्ट्रीय मनुक्खी कनून दे बुनियादी सिद्धांतें दी बवस्थित उल्लंघना करार दितता ऐं मारे गेदें च 44 फीसद बच्चे हे जिंदे चा मते सारे दी उमर 5एं थमां 9एं ब'रे दी ही। संयुक्त राष्ट्र दे मनुक्खी अधिकारें दे प्रमुख वोलकर टुर्क होरें इस रिपोर्ट मगरा गाजा च आम नागरिकें दिएं हत्तेयाएं दी सख्त निंदेया कीती ऐ। रिपोर्ट च इस गल्लै लेई खबरदार बी कीता गेआ ऐ जे आम नागरिकें पर बड्डे स्तर पर हमलें करी मनुक्खता खलाफ अपराधें च बाद्धा होई सकदा ऐ। तोआई जेनेवा च संयुक्त राष्ट्र लेई इजराइल दे राजदूती मिशन नै इस रिपोर्ट गी सिरे थमां खारज करी दित्ता ऐ।

<><><><><><>